



# DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ  
Orthodoxorum Medicorum Patrono.

## QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die Jovis nonā mensis  
Decembris, anno Domini M. DCC. LI.*

M. GUILLELMO-JOSEPHO DE L'EPINE;  
Antiquo Facultatis Decano, Doctore Medico, Præside.

*An Duodenum plurimum morborum sedes haud infrequens?*

I.



OT malorum speciebus subjacet hominum genus, ut nulla ferè sit corporis pars quæ peculiaribus vitiis affici non possit. Viscera potissimum, ingenti morborum numero obnoxia deprehenduntur. Hinc statim patet quàm immensus sit Medicinæ campus, & quàm rectè dixerit Hippocrates *ὁ βίος βραχύς, ἡ δὲ τέχνη μακρὴ; vita brevis, ars longa.* De variis affectibus unicuique organo propriis, peculi-

liares ediderunt Tractatus Autores Medici. Duodenum autem inter intestina primas tenens, considerari certè meretur, seorsum à fistulâ quæ ab ipso sumit exordium. Ad illud enim singulari studio attendere debent qui Medicinæ operam navant, si ratione structuræ, sitûs, usus, consensusque cum aliis partibus, præbeat originem infinitis ferè malis & quidem pertinacissimis, quæ in ipso quasi nidulari latereque videantur. Quanti verò sit momenti, cùm organum quoddam Pathologicis disquisitionibus subjicitur, texturam ejus accuratè rimari, varios ipsius situs respectu partium ambientium perpendere, facultatum ejus, consensusque, seu sympathiæ cum diversis partibus rationem habere, adeo cuique obvium est, ut in his discutiendis amplius immorari supervacaneum esset.

A

**I**NTESTINUM de quo hic agitur Duodenum vocatur à longitudine duodecim circiter digitorum quæ vulgò ipsi tribuitur. Ortum sumit à Pyloro, cui paulùm superius est. Flectitur dein ad latus dextrum, deorsùm simul & retrorsùm, lamellis omenti involutum. Descendendo, serpit in textu cellulari, intrat Mesocoli duplicaturam. Spatio circiter trium digitorum à Pyloro recipit in parte posticâ, ut plurimùm uno hiatu, osculum ductûs choledochi simul & pancreatici. Altero dein flexu antrorsùm procedit ad Renein dextrum & arctissimè Coloadharefcit, usque ad saccum amplum qui vulgò Cæcum vocatur. Tunc itaque situm est Duodenum inter Hepar, Cylistidem selleam & Renem dextrum ex unâ parte; & Pancreas ex alterâ. Deindè paulatim ascendit, suprà spinam inflectitur, inter subjectam Venam cavam & suprapositam Venam portarum sese immittit (a), sicque progreditur ad sinistram ventris partem, donec ad Meseræum perveniens superiori ejus alæ adjungatur. Mediam Mesocoli partem hic pervadit (b) & fursùmfertur. Postremo tandem flexu ad angulum acutum, abit in intestinum quod Jejunum vocatur. Duodenum igitur arctissimè Mesocolo adhærescit, ipsumque ascendendo quasi perforat. Indè sequitur adeò firmùm esse nexum ejus ut à suâ sede minimè dimoveri queat. Contrâ verò cætera intestina tenuia laxissimè Mesenterio adhærescunt & faciliè in crebros orbes sese sinuare valent. Duodeni major est amplitudo quam Jejuni & Ilei. Ab illis differt ratione structuræ, ex eo quoddunicâ communi externâ pro majori parte haud cooperiatur, ipsiusque tunica musculosa crassior & validior sit. Tunicæ duæ interiores, nervea & villosa, innumeras efformant duplicaturas ad circularem figuram accedentes, in ejus cavo pendulas, quæ valvularum conniventium nomen accipiunt. Ingens est in eo glandularum seu folliculorum numerus, præsertim juxta Pylorum. Reperitur etiam in ejus superficie internâ eminentia quædam desinens in apicem vel rostrum, simplex aut duplex, quod osculum est ductûs biliarii simul & pancreatici.

## I I I.

**P**ATET itaque ciborum massam è Ventriculo exeuntem, succoque gastrico subactam, statim in Duodenum recipi, ibi præcipuè digeri, solvi & attenuari, efficaciam bilis, succique pancreatici quæ huc affluunt; ita ut intestinum illud rectè spectari possit tanquam alter Ventriculus (a) quo nullum ferè caret Animal. Diurnam ibi moram patitur chylus, antequam in Jejunum transeat, ob flexum qui ibi fit quasi ad perpendicularum, ut jam annotavimus. Proindè respectu ingestorum iisdem affectibus obnoxium est Duodenum ac Ventriculus ipse. Salinis v. g. & acris irritari, vaporibus aqueis relaxari, &c. potest, & ob læsam virtutem, seu facultatem suam, chylo temperando inhabile fieri, & sicque varia parere malorum genera. Oriuntur itaque Duodeni affectus omnes vel à folidorum vitio, vel ab humorum labe, & quod sæpius fit ab utraque causâ, vel tandem à depravatâ indole succorum huc affluentium. Membranas autem vel tunicas Duodeni relaxari, sive à mollitie fibrarum, sive à paralyfi nervorum in hac parte; constringi pariter, convelli, & quasi exsiccari posse nemo inficias ibit. Diversis etiam vitiis subjacere humores quibus alluitur organum illud, sicut & illi qui in ejus cavo excernuntur, quique tantis inserviunt usibus, nullus sanè diffitebitur.

## I V.

**J**AM verò in Duodeni atoniâ, motus peristalticus, qui ab ipso principium habet; statim imminetur in totâ intestinali fistulâ, multoque tardior fiet contentorum progressio. Bilis succusque pancreaticus in cavo hujusce intestini stagnant, perpetuòque affluentes illud vehementer distendunt, ut apprimè docent sectiones

(a) Santorini, Observat. Anatom. cap. IX. §. VII.  
(b) Comment. Instit. Bonon. Tom. II. Part. I. pag. 138.

(a) Vid. per elegantem Thestin Clariss. D. Baro, nunc hujusce Salaberr. Facultatis Decan; An Duodenum ventriculus alter? propugnatum die vigesima Novemb. ann. 1738.

Anatomicæ (a). Ex illâ autem distentione gravia excitantur pathemata, scilicet præcordiorum anxietas, appetentiæ privatio, dolor fixus circa primam vertebram lumborum, virium defectus, ructus & flatus, alvi adstrictio, Venæ portarum sicut & Venæ cavæ compressio; unde sanguinis congestio, obstructions in visceribus abdominis & alia inde sequentia. Quæ quidem symptomata sæpius observantur in imbecillioribus, ut in Fœminis, in Hypochondriacis, &c. Si bilis ulteriorem adhuc patiatur moram in Duodeno, acris fit & putrida, fibrillas nerveas pungit, vellicat, erodit; unde inflammationes, dolores gravissimi, Tormina, Convulsiones, Cardialgiæ, Vertigines, Epilepsiæ & plurima hujusmodi. Ab hoc vitio haud rarò etiam repetendæ Febres, vel continuæ, vel intermittentes & potissimum tertianæ. Retenta proinde bilis in ductu hepatico, gignit Hepatitidem, morbum regium; in Cyfide felleâ, ubi tenacior & viscidior est, efformantur calculi illi qui tantas Medicis facescunt molestias. Similes etiam aliquando generantur concretiones in Pancreate, eâdem de causâ. Si è contrario nimia sit Duodeni *crispatura*, vel fortior tunicarum contractio, tunc stagnant ingesta in ejus cavo sicut & in Ventriculo. Comprimitur vel coarctatur osculum ductûs choleodochi, unde rursus mala omnia mox recensita quæ à retentâ bile trahunt originem. Si spasmodicæ fiant constrictiones, aër impeditus brevique rarefactus Duodeni membranas vehementer distendit, flatus erumpunt; hinc dolores nephriticam æmulantes, Hysterici, vel Hypochondriacis aded familiæres. Idem sæpe fit in paroxysmis febrium, unde anxietates summæ, dolores circa lumbos, nausea, vomitusque sæpè procreantur.

(a) Vid. Die-merbroeck Anatomi. p. 53.

Humorum autem Duodeni virium quod magis hic attendi meretur, est aciditas nimia; siquidem admixtione liquoris hujusmodi, bilis concrevit, caustica ferè evadit, porraceum, æruginosum aut viridem habitum induit (b). Hinc tam dira symptomata præsertim in pueris, qui magis dyscrasiæ illi acidæ obnoxii deprehenduntur. Tunc enim præter læsam alimentorum concoctionem, ructus acidus, flatus, tormina, spasmos, gravissimæque anxietates, vividâ irritatione trahuntur in consensum Diaphragma, Ventriculus, nervique pneumonici, sicque excitatur tussis vehemens, sæpè cum vomitu vel suffocationis metu: In quâ tussis ferèna vulgò *coqueluche* parum juvare videntur dulcia, oleosa; palmam ferunt Emetica, & *Antiacida*. A gravibus illis malis immunes haud sunt adulti, præsertim Hypochondriaci, Febribusque intermittentibus jam à longo tempore affecti. Quid verò malis secum importet humorum Duodeni dyscrasia acris vel spissa, ex dictis facile erui potest. Unum tamen hic adde quod bilis, ab acri inflammatorio sibi admixto porracea pariter evadat.

(b) Vid. Huxham de morbo colico Damnonio p. 18. &c.

Inter morbos mixti generis primas sanè tenet inflammatio. In illâ autem premitur atteriturque sanguis hærens in ultimis arteriarum finibus. Adaugetur humorum motus, sæpèque febris excitatur. Si ergò phlogosi afficiatur Duodenum, cum pars sit membranosa, valde sensilis, vicinisque partibus firmiter annexa, gravia omnino symptomata parit, ut patet cuique ad hujusce intestini situm & usum attendenti. Glandulæ autem quibus tota ferè superficies ejus interna, præsertim juxta pylorum, conspersa reperitur, phlogodeo affectui magis obnoxie sunt. In tumores attolluntur qui difficilè resolutione terminantur, sed frequentius in gangrænâ abeunt, vel in scirrhus nullâ arte sanabiles. Indè chyli transitus impeditur, fit vomitus assiduus, infinitaque ab his mala. Haud raras esse istiusmodi observationes satis testantur Medicorum acta (c). Si autem effervescent humores in vasis circa glandulas induratas hærentibus, acrisque nascatur in ipsis putredo, scirrhus malignus evadit & in cancerum mutatur. Malum sæpè horrendum brevi desinens in mortem.

(c) Vid. Inter alia Comment. Infr. Bonon. Tom. II. Part. I. p. 152. Vid. etiam Libellum cui titulus: *Diversæ observationes tirées des ouvertures des cadavres*, par Pierre Bâttre &c. 1751. p. 48.

(d) Ada Phy-  
sico-Medica  
Nat. Curios.  
Tom. I.

Jam verò si bilis in Duodenum advecta nimis sit fluida, tunc citius quam par est intestina sollicitabit, ingesta non rectè solvet, Diarrhoeas, Dysenterias, Gangranas, aliæquè inde sequentia procreabit, ut in Dysenteriis-Epidemicis quibusdam, morboque Hungarico (d) observatur. Si contra spissior sit effœtaque bilis, nonnisi prava fiet in Duodeno concoctio: lentæ orientur obstructions in Meseræi glandulis, cum alvo adstrictâ statibusque perpetuis. Hinc Vertigines, Hemigranæ & alia hujusmodi. Tandem si bilis naturâ sit acris, producit mala tam sæpè recensita. Succus verò pancreaticus tenax, acris, effectus eadem excitat symptomata ac bilis ipsa, sed in remissiori gradu.

V.

(a) Fernel.  
lib. IV. cap. X.

EX brevi illo prospectu forsan videbitur, quod sedem Chronicorum haud infrequenter in Duodeno reponere non omninò incongruum esset. Illud jam senserat Sylvius Deleboe, verùm fallis innixus principiis. Triumviratu humorum, bile, pituitâ, succoque pancreatico corpus univèrsum regi audacter professus est, sed malo eventu. Celeberr. Fernelius (ut ileam de Helmontio pluribusque aliis) morborum ple-  
*eximio tangendi sensu sunt prædita.* Illæ enim magnâ societate, tum principibus, tum externis corporis partibus connexæ sunt, iisque adeo consentiunt ut affectæ, mox principes partes univèrsamque corpus in consensum trahant. Ex dictis igitur planum sit quot ac quantis insulsi-  
*obvium sit Duodenum.* Nec dica cætera intestina Ileum, v. g., aut Rectum haud minora sæpè mala pati; ex prægressis enim abunde patet Duodenum ratione sitûs, connexionum, facultatis suæ in ingesta, indolisque succorum in ejus cavo scaturientium, gravioribus frequentioribusque morborum generibus obnoxium esse. Plurima alia quæ opinioni nostræ faverent, brevitatî causâ, silentio prætermittimus; præcipua indigitasse sat erit, ut meritò concludamus,

*Ergò Duodenum plurium morborum sedes haud infrequens,*

DOMINI DOCTORES DISPUTATURI.

<i>M. Ludovicus - Renatus Martean, designatus Bibliotheca Facultatis Præfectus</i>	<i>M. Antonius le Camus.</i>	<i>M. Antonius Casamajor; Censor Regius.</i>
<i>M. Josephus Lallemand, Chirurgia Gallico Idioma Professor designatus.</i>	<i>M. Claudius Bourdier de la Monliere.</i>	<i>M. Raymundus de la Riviere.</i>
<i>M. Petrus Poissonnier, Professor &amp; Censor Regius.</i>	<i>M. Petrus Arcelin.</i>	<i>M. Ludovicus - Petrus le Hoc.</i>

Proponebat Parisiis LUDOVICUS-ANNA LAVIROTTE, Aduensis, Doctor Medicus Montpelienfis, Regius Librorum Censor, necnon Saluberrimæ Facultatis Medicinæ Parisiensis Baccalaureus, A. R. S. H. 1751, A SEXTA AD MERIDIEM.

Typis QUILLAU, Universitatis & Facultatis Medicinæ Typographi, 1751.